

S 史料編

學

政

全

書

(上)



廣文書局
印行

石印

主

月

G529.49

382

1'

015815

清代官修



S9002886

史料編
學
政
全
書
(上)

廣文書局印行

學政全書

覃恩

巡幸增廣學額

現行事例

一恭遇

覃恩欽奉

恩詔增廣學額

皇帝巡幸經過地方

恩加學額俱由部行文各該學政遵照各按大中小

學分別錄取

一在京八旗恭遇

恩詔廣額滿洲蒙古照兩大學漢軍照一大學分別

加取

一東三省滿合二號及所屬府廳州縣並各省

駐防恭遇

恩詔暨

巡幸廣額由部行文該學政按照取進額數分別加

取其取進僅止一名者毋庸加取

一各省新設府廳州縣暨客棚各籍並邊遠州縣進額不及小學者恭遇

恩詔廣額按照進額名數酌量分別加取

一疊次欽奉

恩詔廣額初次廣額於本屆取進二次廣額留俟下屆取進其因事展緩兩屆併試者照兩次廣額取進如佳卷不敷任缺毋濫



例案

康熙六十一年

恩詔直省儒學增廣學額一次大學七名中學五名小

學三名

謹按雍正元年議定各省府學照大學

十四名漢軍照一大學加取七名盛京滿合
字號原額六名者加取六名四名者加取四名
奉天錦州二府各學原額七名者加取七名
四五名者加取四五名二名者加取二名

雍正十三年

恩詔直省儒學增廣學額一次大學七名中學五名小

學三名

謹按乾隆元年議定奉天府學滿字號
照中學例加取五名錦州府學復州學

合字號照小學例加取三名其遼陽州等學原額七名五名者加取二名原額四名二名者加取一名山東聖廟樂舞生加取一名

乾隆十二年

聖駕東巡增廣山東通省學額一次大學三名中學二

名小學一名謹按是年覆准山東靈山衛附併膠州鼇山衛附併即墨縣應仍照

前例膠州即墨縣童生照大學例各增廣一名其

靈山鼇山衛籍童生照小學例各增廣一名其

沂州府屬安東衛附併日照縣考試卷面仍填

原衛字號名雖一學而補廩出貢及入學額數

仍係兩學原制亦應照靈山鼇山二衛例將日

照縣童生照大學例增廣三名安東衛籍童生

照小學例增廣一名

乾隆十六年

聖駕南巡增廣江蘇安徽浙江三省學額一次大學五

名中學四名小學三名

謹按康熙三十八年

聖駕南巡以江南

浙江人文稱盛奉
小學各增取五名舉行一次至是復
加

恩增

廣

乾隆二十二年

聖駕南巡增廣江蘇安徽浙江三省學額一次與十六

年同

乾隆二十七年

聖駕南巡增廣江蘇安徽浙江三省學額一次與二十

二年同

謹按是年奏准本年未奉增廣部文之前考試已竣者將廣額留於下屆取進

乾隆三十年

聖駕南巡增廣江蘇安徽浙江三省學額一次與二十

七年同

乾隆三十二年

聖駕巡幸天津增廣直隸省學額一次大學五名中學

四名小學三名

謹按是年覆准順天府暨大興宛平二縣一學實分三學應照

三大學例各增五名其寶坻縣分設甯河縣俱係小學應照小學例各增額三名魏縣歸併大

名縣改為大名鄉學與大名縣學俱
係中學應照中學例各增額四名

乾隆三十五年

聖駕巡幸天津增廣直隸省學額一次與三十二年同

乾隆三十六年

聖駕東巡增廣山東省學額一次大學五名中學四名小

學三名

謹按是年覆准山東靈山衛業已併入
膠州並非各為一學且於乾隆十六年

減去進額三名

若膠州既照大學例增取五名
靈山衛復照小學例增額三名未免浮濫應於

膠州增額五名內
酌與靈山衛一名

乾隆四十一年

聖駕東巡增廣直隸山東二省學額一次大學五名中學四名小學三名

乾隆四十三年

駕詣

盛京恭謁

祖陵將

盛京滿合二號及奉天所屬各學科考廣額一次其向取進六名以上者增額三名四五名者增額二名二三名者增額一名

乾隆四十五年

聖駕南巡增廣江蘇安徽浙江三省學額一次大學五

名中學四名小學三名

乾隆四十八年

駕詣

盛京恭謁

祖陵將

盛京滿合二號及奉天所屬各學歲考廣額一次
其向取進六名以上者增額三名四五名者增

額二名二三名者增額一名

乾隆四十九年

聖駕南巡增廣江蘇安徽浙江三省學額一次大學五
名中學四名小學三名

乾隆五十五年

聖駕東巡增廣直隸山東二省學額一次大學五名中
學四名小學三名

乾隆六十年

聖駕親詣

文廟釋奠成禮直省儒學增廣學額一次大學五名

中學四名小學三名

謹按是年廣額盛京等處均照乾隆四十年例

加取甘肅省安西州學敦煌玉門兩縣學向各額進六名加取三名循化貴德兩廳學迪化州學宜禾奇臺昌吉阜康綏來等縣學向各額進四名加取二名鎮西府學額進三名大通縣學額進二名各加取一名四川省縣達兩州學向各額進十四名照中學例加取四名廣東省新甯縣客籍額進二名加取一名

嘉慶元年

恩詔直省儒學增廣學額一次大學七名中學五名小

學三名

謹按是年廣額八旗滿洲蒙古漢軍均照康熙六十一年恩詔廣額例

駕詣

滿洲蒙古照兩大學加取十四名漢軍照一
學加取七名山東聖廟樂舞生仍照乾隆
元年例加取一名廣東新甯縣屬客籍仍照乾
隆六十年例加取一名又咨准各省本年歲試
將乾隆六十年奉恩詔旨廣額先行取進至
嘉慶元年恩詔廣額留俟科試時取進
其因事展緩歲科兩試並補者照兩
次廣額取進如佳卷不敷任缺毋濫

嘉慶四年

恩詔直省儒學增廣學額一次大學七名中學五名小

學三名

嘉慶十年

盛京恭謁

祖陵將

盛京滿合二號及奉天所屬各學科考廣額一次
其向取進六名以上者增額三名四五名者增
額二名二三名者增額一名

嘉慶十三年

聖駕巡幸天津增廣直隸省學額一次大學五名中學

四名小學三名

嘉慶十六年